



SULEQATIGIISITSISUT
SAMARBEJDSPARTIET

Nuuk ulloq 05. juuli - 2018

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqutit:

- 1. Immikkut suliniuteqartoqassamaarnerluni, politiini, ikilisarniarlugit kinguaassiutitigut kanngutsaattuliortartut aamma/ imaluunniit Kalaallit Nunaanni kinguaassiutitigut kanngutsaattuliortartut katsorsarneqartarnerat pitsanngorsarniarneqassamaarnerluni?**
- 2. Politiini immikkut suliniuteqartoqarnerluni suliat suliarineqartussat ikilisarniarlugit aamma suliassanik aalajangersaaniarluni, aamma/imaluunniit meeqqanut 15-niik 18-nut ukiulinnut kinguaassiutitigut kanngutsaattuliortartut pillugit suliat suliarineqartarnerit pitsanngorsarniarlugit?**
- 3. Taamaassimappat taava Naalakkersuisut sunik pilersaaruteqarpat pisortat tungaanniit ineriartorneq tamanna ikorfartorniarlugu? Taamaanngippat Naalakkersuisut taava pilersaaruteqarpat immikkoortoq pillugu inatsisinik atortitsinermut ministeqarfimmik oqaloqateqarnissaminnut, politiit eqqartuussiviillu ikiorneqarsinnaaqqullugit qularnaarniarlugu kinguaassiutitigut kanngutsaattuliortartut pitsaasumik toqqissisimanartumillu ikiorneqarnissaat sualummik meeqqat inuusuttullu eqqarsaatigalugit?**
- 4. Suliani kinguaassiutitigut kanngutsaattuliornernut tunngasuni, sunik innersuussutigineqarsinnaasunik peqarpa politiit atorsinnaasaannik eqqorneqartut ilaqutaasullu nalunaaruteqareernerisigut atorneqarsinnaasunik? Tassa inunnik isumaginninnikkut immikkut ilisimasallit suliniutaasa atornissaannut suliannut taakkununga nangitsinertut?**
- 5. Ineriartorfiusinnaasut suut Naalakkersuisut takusinnaavaat - aamma Naalakkersuisut, Inatsisartut, nunami maani kommunit, naalagaaffeqatigiit iluanni aamma Kalaallit Nunaanni partiit akornanni suleqatigiinnissaat eqqarsaatigalugu unitsinniarlugit kinguaassiutitigut atornerluisarnerit kanngutsaattuliortarnerillu taamatullu pinaveersaartitsinissaq eqqarsaatigalugu?**
- 6. Suliamut soqutiginaateqarsinnaasunik allanik Naalakkersuisut ilisimatitsissuteqarsinnaappat?**

Tunngavilersuut:

Naalakkersuisut " 2017-mi Inatsisinik atortitsinerup iluani periusissat suliniutissallu pillugit



SULEQATIGIISITSISUT
SAMARBEJDSPARTIET

pilersaarutaanni" atuarsinnaavarput Danmarkimut naleqqiullugu Kalaallit Nunaanni kinguaassiutitigut kanngutsaattuliortarnerit quleriaammik amerlatigisut.

2016-mi pinngitsaaliinerit 151-t nalunaarutigineqarput aamma meeqqanut 15-t inorlugit ukiulinnut kinguaassiutitigut kanngutsaattuliortarnerit 79-t nalunaarutigineqarput. Kisitsisit quarsaarnarluinnarput aamma taamaattumik Namminersorlutik Oqartussani annertuumik suliniuteqartariaqaraluarpuq, partiit akornanni aamma Naalakkersuisut, Inatsisartut, kommunit aamma Naalagaaffeqatigiinni nunat assigiinngisut akornanni suleqatigiittariaqarpuq periarfissaqartillugu.

Qineqqusaarnerup nalaani annertuumik oqallisigaarput immikkut ikiuisoqartariaqartoq sualummik meeqqanut inuusuttunullu kinguaassiutitigut atonerluisarneq, kanngutsaattuliortarneq ingerlaavartoq unitsinniarlugu.

Aamma assut oqallisigaarput persuttaasarneq, kinguaassiutitigut persuttaasarneq angerlarsimaffinnilu eqqissiviilliortarnerit immikkut iliuseqarfigisariaqarlugit. Meeqqat inuusuttullu inuiaqatigiittut ikiortariaqarpagut sualummik immikkoortumi kisitsisit takutinneqartut tunngavigalugit.

2016-mi meeqqanut 15-t inorlugit ukiulinnut kinguaassiutitigut kanngutsaattuliortarnerit 79-t nalunaarutigineqarput!

2017-mi kisitsit 69-iuvoq. Kisitsisit annertoqaat aamma imaagunangilaq pisartut tamakkerlugit nalunaarutigineqarsimassasut naak immikkoortoq eqqartorneqarluaraluartoq kinguaassiutitigullu kanngutsaattuliortarneq pillugu ajornartorsiut sammineqarluaraluartoq taamatullu eqqorneqartunut ajoqusiisarnera aamma eqqorneqartut inuunerisa sinnerinut eqquisarnera sammineqarluaraluartut.

2016-mi aamma assersuutigalugu pinngitsaaliinerit 151-t nalunaarutigineqarput, 142-t kanngutsaattuliorfiginninnerit, meeqqanik atoqateqartarnermut immiussanik pigisaqartut tallimat/ aamma meeqqanik atoqateqartarneq pillugu isiginnaagassiornerit aamma 2017-mi; pinngitsaaliinerit 134-t nalunaarutigineqarput, kanngutsaattuliorfiginninnerit 174-t, meeqqanik atoqateqartarneq pillugu immiussanik pigisaqartut tallimat.

Kisitsit quarsaarnaqaat taakkulu tunuaniittarput inuit, ilaqutariit, eqqorneqartumut qanigisaanerpaat aamma silarsuarmut nutaarluinnarmut ikaartariaqartartut, ikiminnik attassinissaminnut ilinniartariaqartussat il.il. Ingasalluinnarpoq aserorsaataasaqalunilu inunnut aamma inuiaqatigiinnut aamma politiinut, peqqinnissaqarfimmut, eqqartuussivimmullu suliarissallugu pinngitsoorani immikkut artornartuusartussa, inuit pineqarmata.

Politiit akuttunngitsumik suliniartuni sallerasaarput - taakkuupput aamma siulliullutik kalerrinneqartartut innuttaasunut pinerluttuliorneq kusanaatsorsuit suliarissatillugit aamma meeqqanut pinerluttuliortarnerit. Tassunga atatillugu soqutiginaasaaq tusassallugu immikkut suliniuteqartoqalersaarnersoq innuttaasut politiillu ikiorniarlugit qularnaarumallugu suliani taamaattuni mianernartuni suliat iluamik ingerlanneqartarnissaat immaq ilisimasanik nutarterinikkut allatigulluunniit suliani taamaattuni oqalisaataasinnaasunik. Aamma soqutiginaqaaq tusassallugu politiit sunut innersuussisarnersut politiit suliatik naammassereeraangatigut,



SULEQATIGIISITSISUT
SAMARBEJDSPARTIET

pisariaqartuaannarmat inunnik isumaginninnikkut malitseqartitsisoqarnissaa taamaattumik pinerluttuliornerni.

Aamma qularnaartariaqarparput nunami maani politiit eqqartuussiviillu naammattunik sulisoqarnissaat kiisalu suliarfik pillugu nutaanik ilisimasaqartalernissaat pitsaasunillu atugassaqartinneqartarnissaat kiisalu sulinerminni ersarissunik, uppersaatissalinnik ikorfartuutaasunillu malittassaqartarnissaat iluaquserumallugit inuit kinguaassiutitigut kanngutsaattuliorfigineqarsimasut - inuit ataasiakkaat ilaqaataasullu immikkut pisoq aserorsaatigisinnaasarmassuk.

Suleqatigiissitsisuni isumaqarpugut pisortat tungaanniit eqiterinissakkut pisussaaffeqarneq sumiginnaarneqartartoq taamatut pinerlunnernik eqqorneqartut kivikkumallugit, qularnaarniarlugu pinaveersaartitsinissaq aamma qularnaarumallugu eqqorneqartut, kanngutsaattuliortullu katsorsarneqarnissaminnut neqeroorfigineqartarnissaat taamaattumik soqutiginarpoq paasissallugu Naalakkarsuisut sunik pilersaaruteqarnerisut - aamma danskit inatsisinik atortitsinermit ministereqarfiat politiivisalu suleqatiginissaat eqqarsaatigalugu kinguaassiutitigut kanngutsaattuliortarnerit pillugit.

Apeqqutit akeqquneqarput ullut naliginnaasumik sulliviit qulit iluanni.

Tillie Martinussen
Samarbejdspartiet - Suleqatigiissitsisut